

الجرى نص الجدة
جريت انا

سکرین شوت

ديوى : 811

شلبى ، ريم خيرى

سكرين شوت / ريم خيرى شلبى

الإسكندرية : حناء للنشر

11 / 2015

100 ص ، 20 سم

تكمك : 5-01-6535-977-978

1- شعر

2- سكرين شوت

أ- ريم خيرى شلبى

رقم الإيداع : 15862 / 2015

{ جميع الحقوق محفوظة © }



الإسكندرية ، ج . م . ع .

01018831361

01022842898

المدير العام : غاذل أبو الأنوار

الإخراج الفنى : أنيسة مصطفى

إهداء ٢٠١٦

دار حناء

جمهورية مصر العربية

سكرين شوت

أشعار بالعامية المصرية

ريم خيرى شلبى



إهداء

لكل من كان سبباً في إطلاق سراح رومي

(1)

صبح علينا برحمتك يارب
وخلى رزق النهاردة حب
لا انا عايزة اكل
ولا عايزة شرب
انا عايزة احس ان ليا قلب.

(2)

عشق السما غية
وانا غيتى الفرجة
أخاف أطول نجمها
أحس بالغربة
يكفانى أشوف ضيها
والمس شعاعه لمس
وأشكر كاشف سترها
وكفاية إنى باحس.

(3)

انا عايشة فيكى مش اختيار
أنا اتولدت

لقيتنى واخدة القرار

مشوارى خالى م السفر

معرفش غيرك م البلاد

وذنوبى فيكى تغتفر

ولو انها حبة عناد

ليه خايقة منى

بتبعدينى

وتقربى اللى كفر

وولادى فين راح يكبروا

وهما بيكى بيكفروا

وفى السجون مترصصين

وعلى الحيطان

صور يايد اللى

شالهم مقتولين

مرسومین
جرافیتی
منقوش ع الحيطان
ویاریته باقی
بیمسحه واحد جبان
خایف یبص فی العیون
الموؤدین
ویشوف ذنوبه المنقوشین
فی کل شارع
فی الميدان
حتى الميدان
مبقاش میدان
ردموا علیه حبة تراب
يمكن يدارى الدم
اللى انهدر
من الشباب
والحلم غاب
لكنه راجع عن قريب.

(4)

ولا القمر للغزل
ولا النجوم للزينة.
ولا قلوب العاشقين
لا بد تبقى حزينة.
بس القدر والنصيب
والقسمة بنت لزينة.

(5)

انا قلبی پیلعب مزیکا
علی کل مقام
بیاتی وسیکا وبلوتیکا
حسب الأيام
واتعلم یرقص ع الوحدة
والواحدة ونص
لو کل الكون بقی بس عیون
وعلیه بتبص
راح یرقص اکثر ویغنی
مش راح یتحول انتیکا.

(6)

انا مين فى الدنيا الكدابة
غير اسم فى ورقة
وشوية احاسيس قتالة
وكتب بقراها وينساها
وشوش فى الاصل كانوا ديابة
انا ايه فى الدنيا المنسية
غير جسم هيتحول لتراب
كام دمة هتنزل من عينهم
وثوانى بينسوا الاصحاب
وانا هصبح ناسيا منسيا.

(7)

حبة حروف متلخبطة
هما اللی جوا الجراب
ورقة وقلم تايهين
مع صحبة الاحباب
ياما نفسي ارتب حروفي
والمهم في كتاب.
كل اما الاقي القلم
ملقاش ورق فاضی
واما لقيت الورق
طلع القلم فاضی.

(8)

حتى القلوب الشقيانة
ساعات بتضحك نشوانة
وحتى العيون البكيانة
ساعات بتبكي فرحانة.
ومفیش قلوب
بتموت م الحزن
لكن بتحزن ع الأموات
وعلى اللى فارقوا حياتنا بسرعة
وكانت بتجمعهم حكايات
واحنا طريقنا لازم نمشيه
ولانفكرش فى النهايات
مكتوب علينا وعلى غيرنا
نشوف أفراح .
ونعيش فى آهات
وأهو من ده وده
الدنيا كده
عيشها جمایل مش مغبوب.

(9)

ساعة آذان العصر
قلبی إتعصر م الخوف
نص النهار عدى
والشمس بتلملم
باقى خيوط الضهر
والمغربية خلاص
هلت من الشباك
واتجمعوا السمار
وانا لسه يستناك
يظهر نسييتنى خلاص
ولا أنت زى هناك
قاعد بتستنى.

(10)

توت توت توت توت
لو هتسلم يوم هتموت
توت توت توت توت
أوعى يقولك بكره يفوت
توت توت توت توت
وارضى بعيشتك يا هلفوت
توت توت توت توت
الناحية دى واقف حارس
والناحية دى واقف حارس
وانت تهز فى شجر التوت
توت توت توت توت
انت تهز وهما هياكلوا
وجنابك م الحسرة تموت.

(11)

بكتبك المكاتب

وابعتها بعنيه

واخاف متوصلش

وانا قلبي مش رحال

بستنى يجى الرد

والود أمنية

شوف وصلوا كام مرسال.

(12)

بنبحج فى التوب
الى مدارى جروحنا
علشان ما يدارى
الحتة التعبانة فى روحنا
ونرسم بسمة شبه التكشيرة
لحد ما ننسى الفرق
بين البسمة والتكشيرة
ولجل ما يكمل بينا القهر
بنكتم بوحنا.

(13)

صباح الخير بقولها كثير

لكن الخير مبردش.

دى حتى البذرة ترميها

فى قلب الأرض

متردش.

لا لقمة هنية تجمعنا

ولا صحبة تجمعنا

وأهى عيشة.

نقول بتهون نقول هتهون

وبنصبر فى بعضينا

يارب يا صاحب الملكوت

نقول ما نقول

كلامنا كثير أنا عارفة

وأفعلنا ما بتلدش.

(14)

حمص حلاوة
لب وسودانی
أغانی الطفولة
طفولة فی أغانی
کلام من ورايا
کلام عن لسانی
ولا حد رايح
ولا حد جانی
ياريت کنا نقدر
نحقق أمانی
ده کله هجايش
يناس صوتها هايش
ما تعرف بتبکی
ما تعرف بتضحك
هو کله زیطة
بملهاش معانی.

(15)

بسرح کل ما تیجی ف بالی
وافکر

لو جیت یوم علی بالک
راح تتذکر؟

کل حاجتنا الحلو زمان
ولا لحبك راح تتکر؟

نفسی أبطل افکر فیک
کل ما احاول ابطل
افکر

وکل ما احاول انسی
اتذکر

واشغل روحی بیک
وانا عارفة انک ناسی

برضو بافکر

زی الاول

ویمکن أكثر

(16)

أنا قلبی ساکن ایجار
معرفش یینی سور
ولا یعلی جدار
ورغم طول سکنته
لا عرف یصاحب هم
ولا یطرد الأفكار
ویله ویلین قلبی.
مخلص
مهوش عاجب
ولا عمره کان غدار
کتم العذاب علة
وفضح العذاب علة
وفتح الهوی الشباك
ولسه فی اسرار.

(17)

افتح الصفحة
وامسك قلم
اكتب جواب
فيه حكاية
حب عمره ما اكتمل
وافتكروا
وانت بتكتب كل شيء
خليك أمين
قول لنفسك
الجواب هيروح لمين
متحاولش تكون ضحية
هي دمرت الحكاية
اتهامك كل مرة
ليها هي

هي دائما اللي عايزة
وانت مش قادر توفى
هي دائما اللي خايفة
وانت مش قادرة تظمن
هي دائما اللي تايبها
وانت مش قادر تحايبى
لو حاولت تكون ايجابى
يقي اخر الجواب
اكيد هتفهم
ان دائما الحكاية هي هي
وان انت اللي وعدت
تكون حبيب
وتكون رفيق
وتكون وفى
وانها دائما بترمى حملها
الى مش قادر يشيله كتفها
علشان تكون قادرة تشيل

حمل جدید علی قدها
قوم وبص جوه عینها
وقولها
ان انت الی دایما حبها
والمسؤلیة الی وعدت
تكون بکیفک قدها
هتبقى دایما قدها
واقفل جوابک
وارمی بی فی اول طریق
وانت ماشی وروحلها.

(18)

مكسور جبينك ولا لسه هيتكسر
فكر شوية قبل متقول الجواب
لساك مصدق ان فيه حب وصحاب
لساك مصدق ان لسه فيه أمل
يهدى العذاب
وان لسه وحدتك مبقتش قبر
وان قلبك اللي تايه من سنين
راح يعود بعد الغياب
لساك مصدق !!!??

(19)

من سنة فأت زى اليوم
كان قلبى
بيرقص م الفرحة
روحت قابلته شربنا القهوة
فات كام يوم
ولبست الطرحة
قولت خلاص الدنيا حلوت
بس خسارة
دايما فينا واحد يغدر
واحد ميكملش الفرحة
واحد يبعد ، واحد يعند
واحد يقسى.
ويفضل واحد
دايما واحد
عائش واحد.

(20)

أنا بصحى بدرى وأسمع آذان الفجر

وأشد حيلى وأقول عشاننا يارب

محبش التلوين

وخلط الضهر ويا العصر

وأسمع كلام الغنا

وأبكى مع الباكي

وأعشق كلام أمى

وحكيّها عن مصر

وبعشق اللمة.

ومش فى طبعى الهجر

لكن أعمل ايه؟

لو عشقها بيعصر

فى قلبى عصر.

(21)

وقال بسأل : حزينة ليه ؟
وليه سرحانة فى الملكوت
بفارق كل يوم أحباب
ومش سايبانى سيرة الموت.
وضل الشجرة .
متقصص جناحاته
ودبلان زى شجر التوت
يارب يا عالم الأسرار
بأمرك مين يعيش ويموت
تسيب حبة من الأحباب
ياخدوا حس دنيتنا
شبعنا سكوت
شبعنا نفوت
ما نلقى غير
حيطان راكنة على عواميد
وأنا نفسى فى طعم بيوت.

(22)

يمامة دايرة تدور
 على حبة وسط التراب
 محتارة تنزل هنا
 ولا تخاف الأغراب.
 وعيون تبص عليها
 وبصهم واضح
 وعيون بتلصص
 والقلب مش واضح.
 يمامة طولها وعرضها قيراطين
 لكنها مفرحة ننى القلوب والعين
 شاقيانة على رزقها
 رغم إنه تحت القدم
 غنوا فى هواها كثير
 لكن راعيتها مين؟
 غير اللى خلق الخلق
 من التراب والطين.

(23)

بنت امبارح او اول
مش فاکرة
يمكن من سنة فاتت
يمكن عم ناول
مش هادية
مش ساكنة في مطرحها
بتدور
على باقى خيوط الحلم
المتأجل
ع البيت الهادى
على شط التربة
ع الواد والبت
والنار الولعة
ع الشوق اللى بيكبر
كل فراق الايام
ما يطول.

(24)

يا ساقى الصبر بدموعك

وبتدور طريقه فين

وعايش عيشة بالعافية

وواكل لقمتك بالدين.

وماشى فى سكة

خطوة برمّل

وخطوة تنغرز فى الطين

ورغم الغلب تستحمل

وتتعطف على المساكين

وتتبسم فى وجه أخيك

وقلبك صافى

بس حزين.

(25)

ضفرت الذکریات
جدایل جدایل
وحاولت أشیل منهم
سنین عدت جمایل
مفضلش منهم غیر عامین
مش فاکرة کانوا ازای
ما انا کنت بحبی
وعودی لسه مایل.

(26)

دايما كنت اما اغلط

يضريني الحظ

اعيط

لكن مندمش

انا معرفش اقلد حد

انا معرفش اكون

بليتشو في سيرك

ولا اعرف اكون حاوى

بيتنطط ع الحيط

انا معرفش اكون غير نفسى

وانا عمرى ما كنت

حويط

انا طيب ساذج

مطحون مقهور

ملعوب في حياة السيجة

لكنه أليط

رافع راسه متکبر علی غلبه
بیعاند ف الی یعانده
لکن عمره ما زیط
زی الهایف لما یزیط
انا انسان عادى ومش عادى
انا انسان باکل واشرب
واسعی لرزقی
واصرخ وقت العوزا
واعرف اثور
بس الخوف ع الحتة الغالية
الی ف قلبی
اجبرنی اعمل مش فاهم
او مش شایف
وافضل ماشی جنب الحیط.

(27)

آخر شویة بکی
على اللى کان بینا
نزلوا خلاص
لما اتقابلنا
غسلت بیهم اللى
فاضل م الالم
وبقيت کما المولود جدید
محتاج يعيش
حبة حاجات
لاجل ما یبکی من جدید
نفضت روحی من هواك
اللى کان
ماشى فى وریدى
کما الإدمان
ولقیتنی لسه بترعش رعشة
جنین

بردان غریب بعد خروجه
من قلب رحم الام
زی کل المولودین
وانت اتخذت فی رعشتی
وشوفتها رعشة حنین
لساه غرورك واقف
ما بینك و بین قلبك
زی کل المغرورین
لساك فاکرینی
بنسی الآسیة
وارجع اسلم
من مجرد کلمتین
مش مهم
المهم انی اللى صابنی من هواك
طلع مجرد ذکریات
ورجعت تانی
اضحك فی سرى واقول لنفسی
هو فاکر نفسه مین ؟!!!!!!

(28)

من امتى كلام الحب دليل
او حتى الصمت دليل
من امتى الحب احتاج للدليل
الحب لوحده دليل
النظرة المرسومة من اول مرة
دليل
الرغبة الغير مفهومة
دليل
هروبك م الزحمة
دليل
ممكن اكتبك الف دليل
وبعد متوصلك ليقين
انك بتحب

وتتأكد ان خلاص حبك
مش محتاج لدليل
بتمل
وتدور على حب جديد
دا لأنك أدمنت اللعبة
ادمنت التوهة
ادمنت تكون مختار
بتدور على أى
دليل

(29)

انا عايزة أتفرج ع الألوان
لكن أرسم أبيض واسود
والعب مزيكاً واغنيها
لكن ما ملعبش فى معانيها
وأحلم ببلاد
لكن ماسفرش
ده لأنى مليش
أحباب فيها.

(30)

یتوب الحرامی
یتوب الی یقتل
یتوب الی یکذب
یتوب الی خان
لکین الی حبک
لا یمکن یتوب
یتوب الی یغلط
یتوہ فی الحواری
یدور علیکی
فی دوشہ جیرانہ
فی قہوہ فی شیشہ
فی حتہ حشیشہ
فی حبہ کلام
فی ضحکہ فی خناقہ
فی صلح و ملام

فى زينة فى حوارى
مالها التراب
فى قطة بتجرى
فى سطح الجيرن
فى نوسة وحمادة ومريم وزين
وياسين التهامى
فى مقام الحسين
وصوت الكنيسة فى وقت الصلاة
وعيسى المقدس يرتل وراه
خليل ويا صبحى
وع العود بيعزف محمد صلاح
ويطلع محمد وياخد فى ايده
نسيم المغنى
عشان عنده نمره
فى كازينو انشراح
واخر المتمة بتقلب بغمة
عشان فيه ما بينا

راجل ابن هرمة
غوايته يفرق
ويعمل صياح
وبرده يعطنا بنعمل حاجات
ونغلط ونرجع نتوب
من سكات
لكن عن هواكى
لا يمكن نتوب
لحد الممات.

(31)

شوفت فراشة عجيبة
بصت لي ياطمئنان
نظرة جميلة موووووت
وكأنها إستئذان
لفت سبع لفات
وقالت لي لاعيني
قولتها يا ملونة
بلون شعاع الله
ازاي تأمني لي
وأنا من بني الإنسان.

(32)

ولسہ العمر بیتسرب

زی المیہ

ف کف الاید

وانا لسا یا

بضحک

وأبکی

زی زمان

وافتح کفی

واقفل کفی

ألقى خطوط

يمكن يوم

تصبح تجاعید .

(33)

ياللى ناوى ع السفر
من حوالى جمعيتين
كل مرة تقول مسافر
قلبي يكويه الحنين.
كل يوم بعد الغروب
راح اولع شمعتين
يكتبوا بالضى اسمك
جوه نينى كل عين
عارفة انه سفر قصير
بس هو الصبر فييين؟

(34)

ما بین عاصی و بین تائب
ما بین حاضر و بین غایب
و بین محروم و بین مظلوم
و بین جاہل و بین عالم
یتوہ الکون.

وانا قلبی ندیم قلبک
وعمری یفتدیہ عمرک
ونتخاصم ونتصالح
تصیبا لعنة الحرمان
ومفیش حرمان
لأن الکون فی موالہ
وانا وانت
فی موالنا.

و بین عاصی و بین تائب
و بین حاضر و بین غایب
یتوہ الکون ، وانا قلبی
فی ہواک دایب.

(35)

هي حكاية وعدت

ولو طولت حبتين

واتشكلت بالفتحة

والكسرة

والضمة

والتوين.

آخرها صفحة

بالعافية

وبالضالين.

قصة قصيرة

وملهاش سوى بطلين

حاولوا يكونوا ثلاثة

لكن يجيبوا منين؟

إتفضت السيرة

قبل الآوان بسنين.
ومعدش فاضل
للكتابة حروف
حتى القلم فاضى
والورق
مكسوف
شخبط شوية
وقاللى
آخرك كمان حرفين.

(36)

بحبك..

رغم إن الحب

مش وقته

وبرضه الكره

مش وقته

ولا نقدر فى يوم نعرف

ميعاد وقته

لكنى بحب

لو وقته

ولو فايت

ميعاد وقته

عشان حته فى قلبى

ئسه صحيانة

تألم

يتوقع.

وبترجع تاریخ هربان
من امبارح
ولسه فيه
ما بين ضلعي
فراغ بارح
ولسه فيه
مشاعر حلوة
بتقشعر
بدن سارح
وكل ما حد بيشوفنى
ويسألنى
انت بتحبى
اقوله بحب
رغم إن الحب
مش وقته.

(37)

وطن الحبايب فين؟
وفين ميزان العدل؟
تايهين بقالنا سنين
وسؤالنا ملهوش حل
وينعكس الآية
وقلوبنا نساية
وينعشق الغربا
وينبعد القربا
وكانها متعة
نفضل على الهامش
نكتب تاريخ مغلوط
ونزور الأحداث
ونكفر المؤمن
ونزيف الأقداس
نقتل عشان الدين.

واحنا ولا فاهمين
اصل الحكاية ايه
وبدأ الحكاية مين؟
قلعنا نضارة
ولبسنا فى العدسات
والخيبة صدقنا
إن اللى عدا مات
ماشيين كما العميان
متمرمغين فى الطين
لما تضيق بينا
نصرخ
بعلو الصوت
هى العدالة فين
هى العدالة فين؟؟!!

(38)

بقيت أسيرة أنا
ومتربطة أيديا
وعشان يزيد الآسى
غمولى فى عنيه
سكت الوجود
جنبى
ومن حواليا
أنده

ميردوش
بكيت على حالى
قالوا بتبكى ليه!!
ده أحنا بنهواكى
وفوق هوايا كمان
متمسكين بيا .
وبقيت أسيرة أنا
ومتربطة أيديا.

وعشان یزید الآسی
غمولی فی عنیا
سمعت صوت الشجر
بیلهز فی جزوعه
هزة عنيفة
خفت
یتألعوا فروعه
ندیت
میردوش
بکیت علی حالی
قالوا
حزينة لیه؟
دا احنا بنهواکی
وفوق هوايا کمان
متمسکین بیا ..
متمسکین بیا!!

(39)

أنا عمى محمد
مات في الحرب
قصدي شهيد
وبحسرة عليه
ماتت أمه
مع إنه شهيد.
وامبارح مات
يجي تلاتين فرد
قصدي استشهدوا
والدم مازال يفيض
في الأرض
ورصاص الغدر
في كل مكان
ولا أمن خلاص
ولا حتى أمان.

فی الجامعة

رصاص

فی الحارة

رصاص

یترص شهید

وشهید

وشهید

ومازلنا ندور ع الإخلاص

بنکفر بعض

وبنضرب بعض

ونعادی فی بعض

وانا عمی شهید

وصلاح جوز خالة أمی

شهید

وزمان من کام يوم.

عدوا علينا

وكان صابح عيد

قبلها بزمان

ومکنش بعید
مات شاب
من هنا
من مصر
ویاید ضابط
من هنا من مصر
کان خالد هو
وأبوه سعید
أصحابه یقولوا علیه
دا شهید
وطلعنا ندور علی حقه
مات فی السکه
کام ألف شهید
ولا حدش واخذ باله
إن العمر
شهید
والفقر
شهید

والزمن

احنا اللي بتغدر بيه

ونسیه شہید

علشان بندور ع العبودية

وندوس بمزاج

على صوت الحق

ونخلص تارنا

من الغلبان

ونموت فيه

بمزاااج

ع الهادی

ویموت

ونقول الله

یا سلام

دا یا بختہ

شہید

دا یا بختہ

شہید۔

(40)

كل حكاوى العاشقين

شبهى

وكل حكاوى المطحونين

شبهى

حتى الكلام بين السطور

فى ورقة ملفوفة

شايلة لحماة فطور

حتى الصور

اللى ف كتاب المدرسة

فى شنطة

على ظهر الضنى

قلبي عليه

مفطور

ماينوبه غير

شيل الحمل.

واخرها يستنى

فى طابور

میجیش علیہ

الدور

انا کل کلمة وكل حرف

حتى الی مكتوب

فوق جینک

شبهی

انا الی

ساكنة فی الحارات

وانا الی ساكنة

فی القصور

تهرب تروح

من قصتی علی فین

مهما تلف

فی دنیته

وتدور

أنا ختام الملحمة

والأرض بعدی

بور.

(41)

يا شعر شايب
فوق جيني
بيطل م الليل البعيد
لونك يرجعلى حيني
لزمان صحابي الطيبين
وحشوني
ووحشني غناهم
وعزفي
مزىكة طابور المدرسة
ورعشة البدن الحزين
وملبسة
من أبله سامية
كان طعمها يبيل ريق
ومدرس العربي
اللي كان بيحبني
وحضن ابويا

اللی کان بیضمنی

واخویا زین

وبکاه الرقیق

یا شعر شایب

فوق جبینی

بیطل م الیل

البعیید

لونک نهار

ولا خلاص

مفیش

جدید.

(42)

صورتك فى البرواز مش شبهك
صورتك فى البرواز شبه إمبراح
فى البرواز انت بتضحك بس
من غير تجاعيد.

متقيد بامبارح

الهوا ..

مش بيهر الخصلة النايمة على جبينك
ولا بيلاعب رمشك
لو عايز تعرف بكره
شكله ازاي

إخرج م البرواز

سيب البرواز

للى خلاص ساب دنيتنا

وسكن جوه البرواز

وكل ما قلبك يشاقله

إبقى أتخطى حدود البرواز

وارجع تانى.

(43)

کل یوم قصة جديدة

نقلب الصفحة تضيع

نعمل ايه

ونسوى ايه

غيرنا قال

واحنا لسه

زى ما احنا

نقول يا عم

نقول ياخال

داهية تاخدك

عيل فظيع

ماشى تهتف

بشعارات

وانت ابوك

السقات

ماااات .

فيوه مات
ومات معاه
ابنه الرضيع
والأكادة
مكنش فاهم
انه زى الكل ماشى
هى اصلا
البلد دى
مش بلدنا
احنا اصلا
من هناك
وانتوا
جيتوا من هناك
يس يكسب
على ماشى
ع السريع.

(44)

الخلق طين
من يوم ما خلق الخلق
رب العالمين
وهما طين
متعدين
بيدوروا على اليقين
وهو فين؟؟
الحلم حلم
والخلق طين
وانا زيهم عايش
سجين
بلعن زمانى
وانا يعنى مين؟
ما انا زى كل الخلق
طين.

(45)

لسه يارا
بين إيدين السجانيين
مين يقول
يا حلوة
فاتوا ثلاث سنين
وانت رغم السجن لسه
رمز للضحكة البريئة
اللى حاولوا
يقتلوها المجرمين.

(46)

خدلك لفة
فی قلب الدنيا
وارجع تانى
واسألك نفسك
ایه اتغير
مین استنى
ومین راح منك
مین متهنى
ومین-بیعانى
لازم لفة هتفضل
راكن جنب همومك؟
لازم تفهم
ان الدنيا
ناس بتحبك
ناس كرهاك

ناس بتعاندك
وڪام نوع تانى
متفكرش
غير فى الجاى
علشان تقدر تعرف نفسك
تنقش اسمك
فى المستقبل .
وتكون انت
محدث تانى .

(47)

طول ما انت بتفكر فی روحك
هتعيش لروحك
وتموت وحيد
فكر تلم قلوب إلیك
فكر تغیر نظرتك
وبلاش تكون
واحد بنخيل
فی محبتك.
لو كنت فاقد كل شيء
إلا الحنان
ده كفاية یديك الأمان
واكسر بإيدك
وحدتك.

شوفلك حبيب
واعطف عليه
إكسر قيودك
سيب قسوتك
امنح محبة للى حبك
واللى ييفكر يحبك
وابنى بنفسك
جنتك.

(48)

هافف علیا الغنا
والشعر والموال
خلطة جميلة
وفيها كثير ينقال
والصحبة تحلا يايه
من غير كلام
وحديث.
وصوت جميل
من هنا
وده عاشق التكتيت
وده غوايته الغنا
مع ان صوته غتيت
لكننا بنسمعه
ونقوله عيد يا جميل
دا الحظ ساعة وبس
والفرح بالتنقيط.

(49)

لقيت رجله وخذاني
 بخطوة بطيئة في الحركة
 مانيش عارفة طريقى فين
 لكنى بقول على البركة.
 مشيت ببراءة التايهين
 وانا عندي إيدين إثنين
 لقيت واحدة على عنيه
 بغمضهم
 وإيدي الثانية بين إيدك
 ووخداني مواعيدك
 مبسألشي لكنى بخاف
 وبتطمن
 وبرجع اخاف.
 ونفسي ف مرة أتطمن
 ولا أرجعش تانى اخاف.

(50)

بلون الطمی بشرتکم
یا قناویہ
یتوہ قلبی
وخطوتکم معدیة
تروح الروح
فی سکتکم لبحر النيل
وأقول یا مراکبی عديني
ده انا عمری فدی نیلی
وخذنی معاك ومنيני
أشوفهم بس بعنيه.

(51)

إن شالله
ما يقطعلك عادة
على بالى
ودايما بزيادة
بفتكر
وانا صاحبة ونايمة
واشتاقلك جدا
كالعادة
وان عقلى طاوعنى
على بعاذك
قلبى يقوللى
كله الا دا
قدرى ونصيبى
وانا راضية
ما انا حبيتك
حب عبادة.

(52)

بطل تشوف غیرک عیبط

بص فی مرایتک

وشوف عیوبک

إمسک فی إیدک

أی خیط

إمشی وراه

واسأل ضمیرک

لیہ الغرور واخذک

فی حیط.

(53)

أنا زى كل اللي شافوكى

بعشقك

لكنى عشقى

يختلف عن عشقهم

مالياش انا يمكن

فى كتر الدندنة

والطنطنة

انا عشقى ممكن يتعبك

لكنى ماقصدهش

يابلدى اعذبك

وبرئ أنا م اللي خانوكى

وبرئ أنا م اللي باعوكى

لكنى برده مش برئ

أنا اللي سبت الغز فىكى

وَأَنَا الّٰلِی سِیِّبَتْ لَهُم مَّكَانِی
وَعَمَلْتُ نَفْسِی مَصْدَقْكَ.
لكنی برده بعشقتك
یمكن جبان خایف اَضِيع
لكنی مش خایف اَموت
ما أَنَا یوم هموت
ویاریت اَموت
ولا غیری یجی یقسمك.

(54)

لما قاضى يقول براءة

هو حر

لما شعب يقول مدان

يبقى حر

واللى قاعد فى التكية

واللى لازق فى الوليه

واللى شايف كله حلو

هو حر

واللى دايق المرار

شعب تايه

بس حر

واللى فى ايديه القرار

بكره يشرب المرار

واللى شايلى قرية بايظة

عليه تخر

يعنى مش معنى

البراءة يبقى حر.

(55)

فاكر عم صلاح
الجرسون
اللى بيلبس بدلة
وبيبيون
وينضحك لما نشوفه
ونقول هربان
م التليفزيون
وهو بيضحك
لما يشوفنا
ويخكلنا
عن اتنين
كانوا مرة زمان
قاعدين فى مكاننا
كان دايمًا يطلب قهوة
حبيبها.

وهی مبتشریش
غیر ینسون.
عم صلاح
دایما یحکی
نص الحدوتہ .
وینسی الباقی
ویقول مش فاکر
عم صلاح
مش ناسی
الحدوتہ
اصلا مبتکملش
عم صلاح
مش تایہ
ولا مجنون
عم صلاح
کان ارحم م الایام
کان اب حنون.

(56)

ایه ذنب ناس طيبة

غير انهم طيبين

وليه الحياة متعبة

والشر فيها متين

مع ان كل الحكاية

حدوته من سطرین

بنتولد فی الصباح

وفي المسا میتین

لو بس نفهم اننا

بشر

ومش دايمين

ایه لازمة الكره

والحرب بين

عالمين

عالم منه أتينا

وشوية وليه راجعين.

(57)

وأنا نازلة أتدلع
أملى القل
البحر كان غضبان
مضحكش
اصل الحكاية.
متضحكش
البحر مليان
بالأوجاع
والسر كان
فى البير منخرجش
ولما قولنا نروح
و نجيبه
وقع اللى حاول
فيه مطلعش
من يومها
كل ما حد يحاول

یروح فی سکہ.

ومیرجعش.

وبدال ما کان البیر

فیه سر

بقی فیه حکاوی

مبتطلعش

والبحر زی ما هو حزین

ولسه برضو مبيضحکش

أصل الحکایة

زی ما هی

بایخة وحزینة

ومتضحکش

وأنا نازلة أتدلع

وأعمل إیه

إزای بهیة

وماتدلعش.

(58)

الحدوتة زى ما هي

بتتعاد

رغم اننا بنقول

توتة توتة

فرغت يا ولاد

الحدوتة بس الظاهر

الحدوتة ما بتفرغش

ولا فيش حاجة

جديدة بتحصل

واتعودنا نزعل حبة

وبعد شوية ما بنزعلش

حتى بننسى

ونرجع نحكى نفس القصة

و الحدوتة

وتوتة توتة

لسه مفرغتش

الحدوتة.

(59)

كنت واقفة في المرايا

بتزوق لطيفه

لما يجي

أصل هو من زمان

مبقاش بيعي

لسه قاعد ع الرصيف

في الميدان

لسه بينادي

على العايشين هناك

لسه بيعي العلم

لسه يقول القسم

لسه يجمع في لقمة

للجعان

هو زي ما هو

مهما تتغير معالم المكان

لسه رافع ايده وبينده

يسقط يسقط

کل جبان

روح ت اجیه رجعت وحدی

هو عایش فی الونس

ویا الرفاقه

محوطینه بالحنان

أم حالی زی ماهو

عایشه مع حبه صور

متعلقة فوق الحيطان

کل يوم باستنی یجی

مش بیجی

بس طیفه بیجی دایما

ویبادلنی الحب بطقوسه

لسه بقدر احضنه

وأقدر ابوسه

ولسه بیجلی الامل

فی اللى جای

ویواسینی

ع اللى کان.

(60)

حبك وجع فى الغربة
حبك جنیه
فى إیدین الشحاتین
یلعن أبوه
اللى اسمه شوق وحنین
إمتی یابلدی هتحضنى
فیا
إمتی هتاخذینى
من اید ولاد الشین
وانا نفسك منك
ولو شبرین
وقفت فى المیادین
وزعت من عزمی
وقولت یا بلدی
وآه یا بلدی

ونمت ع الارصفة
احضن تراب ارضك .
وبكيت وانا باصرخ
وقولت انا فى عرضك
ياللى نهبتوا الأرض
بزيادة
يكفاكم
مفضلش منها
غير دمة
على اللى تحت التراب
مدفونين.

(61)

بكتب في حبك كل يوم غنوة
وبسمع الصاحي
وبسمع النايمين
مش قادرة اقول يا حلوة
يا بلدي
لأن حبك مختلف
من سنين
حبك حزام العفة
على وسطى
حبك شعار الصبر
على صدرى
حبك قيود متسلسلة
في إيدى
حبك دموع في عيون
المظلومين.

(62)

كنت فائتة بالمصادفة
عند باب الذكريات
قولت افتح يمكن ألقى
حاجة باقية م اللي فات
كل حاجة لسه باقية
إلا قلبي
لقيته ماااااات.

(63)

باطمن لما تبص فی عینی

وتسألنی

إیه الی امبارح سهرنی؟

باطمن

لساک من نظرة بتفهمنی.

(64)

الوردة لسه فى كشكولى
وقصر كنت بنتهولى
وكلام فى الحب حكتهولى
مقدرش انساهم وانساك.

(65)

وانا باجری
عشان اهرب
من الماضی
تھت
وحاولت ارجع تانی
تھت
لا هربت
ولا رجعت مڪانى.

(66)

قالك لكل فولة فى الزمن
كيال

وكل حمل ليه بين الرجال
شيال

والحال له رب عالم ييه
ايه دخلك فى الرزق
والأحوال.

(67)

انا طالبة فرحة صغيرة
مع ان قلبي كبير
من امتی كانت السما
على قد حجم الطير.

(68)

الذنب ذنبك يا جريح القلب
لازم تفكر قبل الوقوع في الحب
كان حد قالك سلم هواك لغريب
اديك بقيت وحيد وشايل ذنب .

(69)

یا قبر یا فاتح بیبانک
امتی هستکفی
مین إتعظ م الموت
واتعلم العفة؟!

(70)

کتبت فیک ما کتبت
و حکیت علیک ما حکیت
لا کلامی جاب فایده
ولا انت یوم حنیت.



3G

87%

12:10 ص

> | الى ريم خيرى شلبى تفتح ريم ع..

12:10 2015/06/08 ص



ريم خيرى شلبى

الى ريم خيرى شلبى
تفتح ريم عينيها
تدخل دنيا الحواديت
صورة

ورا صورة

تفرح بالصورة المعدولة
والملقوبة

ترتب الصور وتحفظها فى درج
الاحلام

تخرج الصورة من مكانها
تفرح الطفلة اللى مبتكبرش
وتقولها : اختارى

تمر الصور وتخرج من خزانة الحواديت
لدنيا الشعر

زين العابدين فؤاد
6/6/2015



Bibliotheca Alexandrina



1492638



عنوان : امير مصطفى

17
17